

## NAMIBIA SENIOR SECONDARY CERTIFICATE

**FIRST LANGUAGE OSHIKWANYAMA ORDINARY LEVEL**

**6099/3**

PAPER 3 Critical Response to a Text

1 hour 20 minutes

Marks 20

**2022**

Additional Materials: Answer Book

### INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer the **only** question in this paper.
- Write between **250 – 300** words.
- Pay attention to spelling, punctuation and sentence structure.
- The number of marks is given in brackets [ ] at the end of the question.

### OMALOMBWELO NOMAUYELELE KOVAHONGWA

- Nyola omanyamukulo oye mEmbo lOmanyamukulo olo wa pewa.
- Nyola Onomola yOsenda, Onomola yEkonakono nEdina loye kEmbo loye lOmanyamukulo.
- Nyola nopena imbulau ile ilaula.
- Ino longifa okadimifo komeva.
- Nyamukula epulo la pulwa mombapila ei.
- Oshinyolwa shoye nashi kale noule woitya **250 – 300**.
- Kotokela esipelo loitya, elongifonawa loileshifo netungo lomatumbulo.
- Omwaalu woitwa owa yandjwa moikondekifombine [ ] konima yepulo.

This document consists of **3** printed pages and **1** blank page.



Republic of Namibia  
**MINISTRY OF EDUCATION, ARTS AND CULTURE**

Lesha oshidiyomwa eshi ndele to nyamukula omapulo aa taa shikula.

### **Oulipamwe ihau liholekwa matakoko**

Lucia okwa uda ekongholo pomuvelo. Eshi e li uda okwa kanghama ita shange vali, ashike opena yaye ine i kufa po manga pombapila. Omukongholo natango otau divilike tau diinine. Lucia okwa uvika ombapila ei kwa li ta shange nokutuvika yo opena yaye nokatuviko. “Olyelye ta konghola?”

“OAngelina” “Lyelye?” “Angelina, omuwiliki wovahongwa voukadona. Onda uya tu kundafane.” “Oo Angelina. Ombili eshi nda kala ... noku ku pula... pamukalo wa tya ngaha. Osheshi ashike nda li nde lipyakidila. Ila mo, owa hala ndi ku ningile shike?” “Tangi meme”, osho a nyamukula manga ta ende ta piti momuvelo.

“Omolwashike wa humbata oshiyaha shoikulya? Owa etela nge omusha?” Lucia ta i mo nomashendjo. Angelina ine mu kumbululula nande momashendjo aye. “Ila kala omutumba. Oshike ...?” “Onda eta oikulya ei u i tale. I tala ashike! Oyo yetu twa longekidilwa omusha oyo. Kashiimba onawa ngee to i lolo.”

“Oshike sha puka? Eta utale ndi i tale. Okay. Otai monika ii shili. Lucia okwa kufa mo okapambu kombelela ya kweywa ndele te i nyika, ndele te i lolo. Meendelelo, ye okwe i fiya mo. “Oshike eshi? Otai nyika ya fa oikulya yooShuunduwa. Ino lombwela nge kutya oyo oikulya mwa longekidilwa mu lye pefimbo lomusha ei?”

“Heeno osho naanaa.” Osho sha eta nge apa. Otwa li twa ka lombwela Matolona. Okwe tu haula ta ti, otu hole okunyeneyeta nokuha pandula, nonande ovatilyane tave tu ningile omauwa mahapu. Otwe shi mona mo kutya ei oikulya yooShuunduwa – otwa handuka neenghono atushe. Otwa hala u shi ude manga inashi tandavela nofikola aishe.

“Paife omwa hala okuninga po shike kombinga yasho? Ovahongwa vakweni otava ti ngahelipi? Robert oku li peni? Inda u ke mu tale. Onda hala ndi popye nanye amushe.” Lucia ota pula omapulo oxukula-paka-po, ndele ita pe Angelina omhito a tye sha. Angelina okwa ya a ka ifane, Robert. Mepakumo leisho aveshe vavali ove ya nale meumbo laLusia. Robert okwa fita po e dule nokuli Angelina. Lucia okwa li ta kendabala oku va xunga va ngungumane. “Onghalo ei nande kai fi iwa, ashike ounona, otu na okutala kutya ohatu i ende ngahelipi.”

“Ovatilyane kave na konasha nafye. Ova hala oku tu dipaa.” Ehandu laRobert tali ende nokulundalala.

“Otu na okukala twa lungamena oshinima eshi. Oshinima eshi oshinima shakula, sho oshii neenghono. Oinima yoludi eli oya ningilwe nonale moipafi yetu. Omu shi shii nawa. Oshinima sha faafana naashi otwe shi ningililwe nale manga ame nda li kofikola yopombada kOwambo. Ndee, onda kumwa kutya natango otashi twikilwe. Ndishi ohaku tiwa kutya kape na shikukutu shiha xulu; po kape na shidjuu shiha shuna monima. Oshii! Shiyaxa na kalele manga apa, ohandi ka mona Shime Swanepoel, kombinga yoshinima eshi. Ondi shi shii kutya okupopya naMatolona, owa fa ashike to tile omeva kemanya. Ota ka kala te lipopile nokudjuupalifa oshinima.” Lucia okwa mwena ita yandje vali eekomenda dasha, okwa dimbulukwa kutya dihapu omukolo.

“Otwa pandula meme, ino tya owe tu mwene.” Ovanyanyamaulu vavali osho ve mu pandula tava popi poshi. “Indeni ashike mu ka lombwele vakweni kutya oshinima eshi otashi ka talwa meendelelo kewiliko lofikola lopombada.”

“Ashike Nakaidi kaHalwenya otai xwenene. Inatu tauluka oshedi nena.”

“Ondi mu udite ko. Ohatu ka twa omilungu kumwe nomukulunhufikola paife ashike ngaha meemhadi di talala. Kashiimba oko ngaho e li nale – alushe ohe litetuka moMaandaxa komatango a fike pefimbo. Onghala otai hade nena! Indeni kominghandjo, eshi shi fiileni nge eshi, osha ninga po okaana kange paife. Ondi udite ko omaudonya eni. Onghalo aishe ei paife oya fa ashike onghalo yomoSouth Afrika.” Ovanyanyamaulu vavali ova shuna kominghandjo davo.

Mepakumo leisho, Lucia okwa pakela ondjato yaye yomambo, ta tonyenene oshiyaha shoikulya eshi a etelwa kuAngelina mopulasitika, ndele ta ende a yuka kombelewa yomukulunhufikola. Okwe mu hanga momukala.

“Wa uhala po meme Lucia?” “Heeno, Wa uhala po Shime.” “Omolwashike we uya okuyele nena?” “Oupyakadi, Shime Swanepoel. Oupyakadi!” “Oupyakadi washike?” “Onda hala ndi ka popye naave mombelewa yoye, omufimanekwa.”

“Ila mo. Ope na sha sha puka momunghandjo?” Eshi tuu va fika mombelelwa, ye Lucia te mu ulikile oshiyaha shoikulya. Taa nye okutongolola kutya oikwashike. Okwe mu udikila e shi mu pe. Ote shi tale.

“Oto dulu okulombwela nge kutya oshike eshi?”

“Oikulya yooKatali! Oyo ya pewa ovahongwa ongomusha wavo nena. Matolona oku shi shii nale. Okwa handukifa ounona, ndee tava li meenyandi, osho sha eta opo ve uye kwaame.”

“Oh, ino tya ngaho? Onda hafa eshi we uya wa yukilila kwaame. Kala omutumba, meme Lucia. Onda hala u kwafe nge mokuongaonga noshinima eshi. Ovahongwa aveshe ove shi oshinima eshi?” “Eheeno, ovahongwa aveshe ove shi shii. Mokutonga oshili keshe shimwe otashi dulu okuningwa paife ngaha. Ova lya meenyandi nai. Paife oshinima osha ninga ongobe namwene - pokati komulaule novatilyane!”

“Onda hafa eshi we uya apa. Ou shii nge nawa, meme Lucia. Ame inandi itavela mokatongotongo kopaluvala. Inandi ka halelela nande oumwe womovanailonga vange.” Ekiya le livangeka ohonde, wo ou li pamwe vati, ihau liholekwa matako.

*(Ka dja mokambo: Omeva a nyenganyengifwa kuJ. Diescho)*

Omuniyoli okwa holola ngahelipi oukwatya nomalihumbato aLucia moshinyolwa eshi? Yelifa enyamukulo loye we likwatelela kelaka noshikalimo shokaleshwa.

Oitwa tai shikula otai ku kwafele mokundjadjukununa nokutula ongushu koshinyolwa:

- Nghene Lucia e lihumbatela Angelina naRobert
- Omaliudo aye kombinga youpyakadi woikulya ya pewa ovahongwa
- Nghene a longifa ondunge opo a lombwele Mr. Swanepoel oupyakadi oo wa li mofikola

Enyamukulo loye nali kale oule woitya **250 – 300** lwaapo.

**[20]**

**BLANK PAGE**

---

The DNEA acknowledges the usage and reproduction of third party copyright material in the NSSC Assessment, **with and without permission** from the copyright holder. The Namibian Government Copyright Act allows copyright material to be used limitedly and fairly for educational and non-commercial purposes.

The Directorate of National Assessment and Examinations operates under the auspices of the Ministry of Education, Arts and Culture in Namibia.